

Wakita ga Pol ya àbikioru ana Timote ye Cɔ ni

Ere ye ti mɔdɔmki ka wakita ga Pol ya àbikioru ana
Timote ye cɔ ni

Maslaɗa ya ti àbɛki wakita hini ni ti àdafa slimi gayaɗ a : nani Pol, zal asak ga Yezu ni (1.1). Ka sarta ya ti Pol àbɛki wakita hini ni ti tɛfiya naɗ a daɗgay va keti (2.9) ; ku ndam gayaɗ naɗgu ni tàdɛba naɗ a dal-dal day kwa ti tɛdi ahàr (1.16-17). Pol àsɛra, sarta gayaɗ ènjia wudak, èndeveriɗaba tɔwi gayaɗ a (4.6-7).

Pol àbikioru wakita hini ana Timote ti ga mɔvi njɛɗa, ga mɔhiani àmbrɛɗ tɔwi ya àvi ni ba, ku tamal mis ndahaɗ tɛgri daliya naɗgu ni àmbrɛɗ ba (2.1-13 ; 3.10-17 ; 4.1-5). Akada ga pakama gayaɗ ya àdɔm a wakita ya àbikioru ana Timote enjenjeni ni bu ni ti àdɔm si Timote àhurkiviyu ka nday ya ti tagray gejewi, tɛcahi zlam magɛdavani ana mis kwa ni ba (2.14-26). Àdɔm ka sarta ya ti duniya ara andav wudak ni ti mis atagudarkivu zlam dal-dal, ay Timote àhurkiviyu ka tay ba (3.1-9). Awayay ti Timote acahi ma ge Melefit ana mis, àmbrɛɗ ba (1.14 ; 3.14 ; 4.2).

Pol àdɔm mis ndahaɗ tɛmbrɛɗa naɗ a (1.15 ; 4.10, 14, 16). Àdɔm sak cɔ awayay ti Timote màra afa gayaɗ a (4.9, 21), adaba Timote ti ègia akada wur ga huɗ gayaɗ a (1.2 ; Filip 2.22).

Ay ku tamal Pol àsɛra sarta gayaɗ ènjia wudak, ku tamal mis ndahaɗ tɛmbrɛɗa naɗ a, ku tamal naɗ àbu acakay daliya naɗgu ni, àmbrɛɗ mɔfɛki ahàr gayaɗ ka Yezu ndo ; àsɛra, Yezu amahɛɗgay naɗ ti mɛhuriyu a Mɛgur gayaɗ vu a huɗ melefit bu (4.18). Azlɛbay Yezu, àmbrɛɗ do.

Sa ga Pol

¹ Abəki wakita hini ti nu Pol, nu zal asak ga Yezu *Krist. Nīgi zal asak ti ka mawayay ge Melefit, ti nêhi pakama gayaŋ ana mis. Pakama gayaŋ ni ti nihi : Tamal tîgia akada mis bəlaŋ akaba Yezu Krist a ti aməvi sifa ana tay.

² Nəbukki ti ana nak Timote. Nak ti kîgia wur goro a, nawayay kur dal-dal. Bəŋ geli Melefit nday ata Bay geli Yezu Krist təgruk sulum gatay, təjənaki kur, təgray ti kənjəhadumkabu akaba mis àna sulumani ti.

Pol agri səsi ana Melefit, avi njəda ana Timote daya

³ Nəgri səsi ana Melefit. Melefit ti nəgri təwi àna huđ bəlaŋ, akada ga ata baba ya təgray ni. Nahəŋgalay naŋ kəlavad, məlavad akaba məlafat gani do dek ; kəla ya ti nahəŋgalay naŋ nahəma nahəŋgaluk naŋ daya. ⁴ Ka ya ti mèdevu ni ti kītəwa, kəwayay ti mèdevu do ; nahkay ti ka ya ti nahəŋgalay Melefit ni ti nəjalakuk ahàr, nawayay mipi kur. Tamal nîpia kur a ti anəmərvu dal-dal. ⁵ Nəgri səsi ana Melefit adaba nəsərki ahəmamam kəfəki ahàr ka Yezu àna huđ bəlaŋ ni. Dedi gayak Ləwis akaba muk Ewnis təfəki ahàr enji gayak a ; nəsəra, nak day kəbu kəfəki ahàr akada gatay ni.

⁶ Nahkay zla nahəma, nəhuk kadvu ga magray təwi àna njəda ge Melefit ya àvuk ni. Kəsəra àvuk njəda gani nani ti ka ya ti nəbəkuk ahar ni. ⁷ Kəgray aŋgwaz ba, adaba Melefit àvia Məsuf gayaŋ ana leli a ; Məsuf gani nani agray ti məgray aŋgwaz ba. Məsuf gani nani ti avi njəda ana leli dal-dal sawaŋ. Avi njəda ana leli ti məwayavu, məbi slimi ana ahàr geli lala daya.

⁸ Ègia nahkay ti kəgray mimili ba, hi ma ga Bay geli ana mis àna njəda gayak dek. Goro ya təfiyu nu a daŋgay vu azuhva Yezu ni ti kəgray mimili àna naŋ ba daya. Tamal mis təgruk daliya azuhva *Ma Məweni Sulumani ga Yezu

ni akada goro ya tægru ni ti gæskabu, adaba Melefit avi njæda ana leli ge mebeseni. ⁹ Melefit ti àhænga leli a, àzala leli a ge migi ndam gayaŋ njelatana. Àgray nahkay ti azuhva tæwi geli ya mægri ni do ; àgray ti ka mawayay gayaŋ, àgri sulum gayaŋ ana leli azuhva tæwi ga Yezu *Krist ya àgri ana leli ni. Kwa ka sarta ya Melefit àgraya mælaŋ a faŋ ndo ni Melefit àdæm amægri ana leli nahkay. ¹⁰ Ere ye ti Melefit àdæmbiyu ahaslani amagray ni ti, nihi ti àgra. Àgray ti àna mæslærbiyu Yezu Krist Bay mahængay leli ni. Krist ti àgray ti kisim mîgi zlam masakani, àhi Ma Mæweni Sulumani ana leli ti mæŋgæt sifa àna naŋ, mæmæt dáy-dáy ba.

¹¹ Ma Mæweni Sulumani gani nani ti Melefit àzalay nu ti nêhioru ana mis ; nìgia zal asak gayaŋ a ga macahi ma gani ana mis a. ¹² Tægru daliya hini ti adaba nàgra tæwi gana lala, ay nàgray mimili àna naŋ do, adaba nêfækia ahàr ka Yezu a, næsæra naŋ a lala. Næsæra esliki majægay ere ye ti àfuvù a ahar vu ni duk abivoru ana vad ga maŋga gayaŋ a.

*

¹³ Kæsæra pakama ge jiri goro ya nèhuk na. Gray ere ye ti nèhuk ni : fæki ahàr ka Yezu Krist lala, wayay ndam ge Krist lala daya, adaba nak kèbu akaba naŋ akada mis bælaŋ. ¹⁴ Melefit àvuka zlam sulumana ; bi slimi lala. *Mæsuf Njelatani àniviyu ana leli a mæbæruv bu ; amævuk njæda gani.

¹⁵ Kæsæra, ndam geli ya nday ga had Azi ni dek tæmbræŋa nu a. Fazel nday ata Hermozeŋ day tæmbæreŋa nu a akaba nday ndahaŋ na. ¹⁶ Ay Onesifor àvua njæda sak kay, goro

*

^{1:12} Ere ye ti àfuvù a ahar vu ni : mis ndahaŋ tædæm Pol awayay adæm Ma Mæweni Sulumani. Mis ndahaŋ tædæm Pol adæm ere ye ti àfivù a ahar vu ana Yezu ni : tamal nahkay ti Pol awayay adæm sifa gayaŋ ahkay do ni tæwi gayaŋ ya agri ana Melefit ni.

ya tɛfiyu nu a daŋgay vu ni ti àsi mimili ndo. Nahkay nawayay ti Bay geli mɛgri sulum gayan dal-dal ; nawayay ti mɛgri ana ndam ga huɗ ahay gayan daya. ¹⁷ Ka ya ti Onesifor àra a Rom a nahɛma, àzay njɛɗa gayan deŋ ga maɗɛbay nu, mɛk àɗua ahàr a. ¹⁸ Nawayay ti Bay geli mɛgray ti Melefit mɛgri sulum gayan a vad ya ti Yezu amara ni. Tɛwi ga Onesifor ya àgri ana leli e Efez ni deŋ ti kèsɛra lala.

2

Za njɛɗa gayan deŋ ga maɗɛbay Yezu

¹ Wur goro ni, nak ti zay njɛɗa gayan deŋ ga maɗɛbay Yezu *Krist ; agruk sulum gayan ga mɛjɛnaki kur ti Yezu Krist gani. ² A haslani ti kicia ma goro ya nɛhuk na ; ma gani nani ti mis kay ticia, tagray sedi gani tata. Nahkay ti daba ndam jireni ndahan a, cahi zlam gani ana tay ti nday day tɛsliki macahiani ana mis ndahan bilegeni.

³ Tamal mis ndahan tɛgruk daliya ti gɛskabá akada geli na. Gri tɛwi ana Yezu Krist lala, gray tɛwi akada ga zal slewja sulumani ya ebesey daliya ni. ⁴ Maslaŋa ya ti awayay magray tɛwi ga slewja ni ti awayay magray ere ye ti àbɛlafɛŋ kà gɛɗakani gayan ni. Zal slewja àhurkiviyu ke tɛwi ga nday ya ti nday ndam slewja do ni koksah. ⁵ Mɛsɛra, tamal maslaŋa awayay macuhwakabani akaba mis ndahan ti ahàr àɗɛm mɛacuhway àna divi gani. Do ni ti ku tamal ènjia enji a nɛŋgu ni atɛvi zlam ka duwa gani do. ⁶ Mɛsɛra daya, ka ya ti bay ga vɛɗan edi zlam ana ndam mɛwɛsi vɛɗan nahɛma, maslaŋa ya ti tɛvi zlam enji ni ti nan ya ti àza njɛɗa gayan a deŋ, àwɛsa vɛɗan a lala ni. ⁷ Ere ye ti nɛhuk nihi ni ti ahàr àɗɛm kici lala. Bay geli amɛvuk njɛɗa gayan ti kɛsɛr ma gani deŋ.

⁸ Sɛrki ka Yezu Krist. Nan ti wur huɗ ge Devit ; àmɛta, mɛk àŋgaba e kisim ba. *Ma Mɛweni Sulumani ya nɛhioru

ana mis ni ti nahkay. ⁹Təgru daliya ti azuhva Ma Məweni Sulumani gani nani ; ku məfiyu nu a daŋgay vu day təfiya nu a akada nàgudara zlam a. Ay pakama ge Melefit ti təfiyu a daŋgay vu ndo. ¹⁰Ègia nahkay ti nebesey daliya ya təgru ni dek azuhva ndam ge Melefit ya àdaba tay a ni. Nawayay ti nday day Melefit m̃həŋgay tay àna t̃wi ga Yezu Krist, nawayay ti t̃huriyu a məlaŋ masladani ge Melefit vu, t̃njəhad ga kaŋgay-kaŋgayani eslini. ¹¹Ma ge jiri, ahàr àdəm mis t̃gəskabu ni ti nihi :

Tamal məmət ka ahar bəlaŋ akaba Yezu ti amələbu àna *sifa ya àndav day-day do ni ka ahar bəlaŋ akaba naŋ daya* ;

¹²tamal məbesey daliya ka ahar bəlaŋ akaba naŋ ti aməhuriyu akaba naŋ a bay gayəŋ vu daya ; tamal mədəm məsər naŋ do ni ti naŋ day amədəm àsər leli do ;

¹³ay ku tamal məgray ere ye ti məhibiyu amagray ni va do nəŋgu ni, naŋ ti amagray ere ye ti àdəmbiyu amagray ni, àmbrəŋ magrani do, adaba ere ye ti àdəmbiya amagray ni ti si agray kwa ; divi gayəŋ nahaŋ àbi simiteni.

Bay slimi ti t̃wi gayak ya kəgri ana Yezu ni ti m̃la t̃wi ge jiri

¹⁴Ma goro hini ya nədəm ni dek ti həŋgri ana mis lala. Hi ana tay t̃ləgavakivu ka pakama gərgərani ba ; hi ma hini ana tay àna slimi ge Melefit. Maləgavani àkivu ka pakama gərgərani ti zlam masakani àbəlay do simiteni, ejiŋ ndam ya t̃bi slimi ni. ¹⁵Zay njəda gayak dek ti zlam ya kagray ni dek m̃bəlafəŋ kè Melefit. Ahàr àdəm t̃wi

* 2:11 Məmətani akaba Yezu ti awayay adəmvaba məmbrəŋ manjəhad geli magədavani ya ahaslani ni dek.

gayak ya kagray ni àsuk mimili ba ; hi ma ge jiri ge Melefit ana mis àna divi gani. ¹⁶ Tamal ndam ya tèsər Melefit do ni tagray gejewi ti kəhurkiviyu ba. Gatay ya tagray nahkay ni ti kəlavaf tagudarkivu zlam àkivu ; ¹⁷ pakama gatay ya təfəm ni ti ejiŋ mis, egi akada ambələk ya ezi, asagakivu ni. Ata Himeni nday ata Filet day təkibu ka tay : ¹⁸ nday ti təfəm mis tənɔgaba e kisim ba àndava ; gatay ya təfəm nahkay ni ti tɔjikia ke divi ge jiri a, tagray ti mis ndahaŋ təmbrəŋ məfəki ahər gatay ka Yezu. ¹⁹ Ay jiri ge Melefit ti anjəhad kaŋgay-kaŋgay ; naŋ akada asak ga ahay ya təfəkada lala, àdadaŋ do ni. Zlam àbu məbəkiani ka asak ga ahay gani nani nahkay hi : « Bay Melefit àsəra ndam gayaŋ a.† » Àbu məbəkiani keti : « Maslaŋa ya ti àdəm naŋ mis ga Bay Melefit lu nahəma, məmbrəŋ magudar zlam simiteni. »

²⁰ A ahay ge mis gəfakani bu ni ti zlam təbu kay ga məbəviyu zlam. Nday dek ti ga gru ahkay do ni ga evirzegena ciliŋ do ; ndahaŋ ge biyem ahkay do ni ge elibisl. Nday ya ti sulumani ni ti tagray təwi àna tay ga vad ga wuməri ; nday ndahaŋ ni ti ni tagray təwi àna tay kəlavaf. ²¹ Nahkay tamal maslaŋa àmbrəŋa zlam magədavani ya nədəmki ma na dek ti ègia akada zlam məbəviyu zlam sulumani. Bay ahay ni azay, abarafəŋa ti mîgi *njəlatani, agray təwi àna naŋ tata. Aslamalay lala ga magray təwi àna naŋ, awayay magray təwi sulumani àna naŋ dek.

²² Zlam magədavani ya bəza dagwa tawayay magrani dal-dal ni ti kəhurkiviyu ba. Zlam ya ti ahər àdəm kadəbay ni ti nday hi : jiri, məfəki ahər ka Yezu lala, mawayavani, manjəhad sulumani akaba ndam ya ti tahəŋgalay Bay geli Yezu àna məbəruf bəlaŋ ni. ²³ Tamal ndam muru tagray gejewi àki ka pakama masakani ti kəhurkiviyu ba. Səra,

† 2:19 Mənjay Macalani 16.5.

zlam nday nani ti egi ləgayvu. ²⁴ Ay maslaŋa ya agri tūwi ana Bay geli ni tələgavu ata mis ba. Ahàr àdəm manjəhad gayəŋ mālā sulumani kè meleher ge mis dek ; mîsliki macahi zlam ana mis ; tamal mis təbi seki ti mēbesey. ²⁵ Tamal mis ndahaŋ tədəm ma gayəŋ ya àdəm ni ma ge jiri do nahəma, ahàr àdəm acahi zlam ana tay àna kuđufani. Tamal agray nahkay ti bi Melefit amagraŋ ti tâmbatkaba majalay ahàr gatay a, ti têsər divi ge jiri. ²⁶ Ndam nday nani ti *Seteni àgəsa tay àna kəmbazl gayəŋ a, awayay ti tâgray ere ye ti awayay ni. Ay tamal tâmbatkaba majalay ahàr gatay na, ègia sulumana ti, atətəmfəŋa kà kəmbazl ge Seteni na.

3

Ere ye ti amagravu ka mandav ga duniya ni

¹ Səra lala : ka ya ti duniya amandav wuđak nahəma, sarta gani emigi zləzlada. ² Ka sarta gani nani ti mis etigi ndam eri, atawayay siŋgu, etiji zlabay, atəhi ana ahàr zlam gatay ya tagray ni dek ti zlam sulumani, etindivi Melefit, atəgəsiki ma ana ata bəŋ gatay do, atəgri səsı ana mis do, atamənjələŋ ka zlam *njələtani akada zlam masakani, ³ ku ndam ga huđ ahay gatay day atawayay do, atəmbərəŋ mizirey mis do, atədəmki ma magədavani ke mis, atagraŋ zlam ya ti məbərıv gatay awayay ni dek atəmbərəŋ do, atəgri daliya ana mis kəlavad, atawayay jiri do, ⁴ atəsəkumoru mis, atəjalaki ahàr ka zlam ya tagray ni do, atəhi ana ahàr tətam mis ndahaŋ dek ; atawayay zlam ya məbərıv gatay awayay ni cilıŋ, atawayay Melefit do simiteni. ⁵ Ndam nday nani ti atədəm nday ndam ya tazləbay Melefit ni, ay ŋgay Melefit naŋ àbu àna njəda ga məmbatikaba majalay ahàr ana mis a ti atəgəskabu va do. Ndam nday nani ti kəhurkiviyu ka tay ba. ⁶ Mis ndahaŋ e kidıŋ gatay bu təbu tagosay mis, təhuriyu a ahay vu

afa ge mis, tesipet wál ya tèsər zlam do ni ; ègia akada tæki kəmbazl ana tay. Wál nday nani ti təbu tagudar zlam dal-dal, təjalaki ahàr ka zlam gərgərani ya məbəruv gatay awayay ni ciliŋ ; ⁷ təbu təcahay zlam kəlavad, ay tisliki məsər jiri ge Melefit koksah. ⁸ A haslani ti ata Zenes nday ata Zembres * tawayaya macafəŋa Məwiz ga magray təwi ge Melefit a : nahkay day mis nday nani tawayay macafəŋa leli ga magray təwi ge jiri a ; majalay ahàr gatay dek magədavani, məfəki ahàr gatay ke Melefit ni ègia zlam masakana. ⁹ Ay zlam gatay ya tagudar ni amazoru tay kama do, adaba mis dek atəsər nday ndam muru, akada ga ata Zenes nday ata Zembres ya mis təsəra nday ndam muru ni.

Kəmbərəŋ ere ye ti kəcahay ni ba

¹⁰ Ay nak ti kəsəra zlam ya nəcahuk na dek lala ; kəsəra manjəhad goro a, kəsəra zlam ya nawayay nagray na, kəsəra ahəmamam nəfəki ahàr ka Yezu na, kəsəra ahəmamam nebesey zlam na, kəsəra ahəmamam nawayay mis na, kəsəra nəmbərəŋ təwi goro do. ¹¹ Kəsəra daliya goro ya mis təgru na akaba daliya ndahaŋ ya nəcakay na. Daliya gani nani ti nəcakay a Antiyos, a Ikoniyum akaba e Listir ; daliya weley ya nəcakay ndo ni weley, ku nəcaka daliya emitena nəŋgu ni Bay goro àhəŋga nu a. ¹² Səra, ku way way do awayay manjəhadani akaba Yezu Krist akada mis bəlaŋ, azləbay naŋ lala ti, mis atəgri daliya. ¹³ Ay ndam cuday akaba nday ya ti tagosay mis ni kəlavad atagudarkivu zlam ; etijŋkia mis ndahaŋ ke divi a, nday day etijkia ke divi a. ¹⁴ Nak ti kəmbərəŋ zlam ya ti kəcaha, kəgəskabá àna huđ bəlaŋ ni ba. Kəsəra nday ya ti təcuhuk zlam na ; nahkay kəsəra zlam gani nani ti

* ^{3:8} Ata Zenes nday ata Zembres ti, ndam **Zude** təđəm nday ndam məsər zlam ga had Ezip ka sarta ge Məwiz ni (mənjay Mahərana 7.11, 22).

zlam ge jiri. ¹⁵ Kwa nak a wur bu ni ti kàsèra Wakita *njelatani ge Melefit a ; wakita gani nani ti adáfukki divi ga majalay ahàr sulumani, nahkay Melefit amahəngay kur adaba kəfəki ahàr ka Yezu *Krist. ¹⁶ Pakama ya mədi ahàr a Wakita ge Melefit ni bu ni dek ti Melefit àvi majalay ahàr gani ana mis ga məbəkiani ; pakama ge Melefit ti ajənaki leli ga mədəfiki zlam sulumani ana mis, ga madafaki zlam magədavani ti magədavani ededīn, ga mambatikaba majalay ahàr ana mis a, akaba ga macahi divi ge jiri ana mis. ¹⁷ Melefit àvi pakama gayaŋ ana mis ti mis gayaŋ lu māsłamalavu lala, mīsliki magray tūwi sulumani weley weley do dek.

4

Hioru ma ge Melefit ana mis

¹ Ere ye ti nəhuk nihi ni ti nəhuk kè meleher ge Melefit ; nəhuk kè meleher ga Yezu *Krist daya, naŋ ya ti amara magrafəŋa seriya kà ndam ya nday təbu àna sifa na akaba kà ndam ya təməta na. Nəhuk ti adaba aməngazlıvu ana leli, aməgur mis dek. Ere ye ti nəhuk ni ti nihi : ² hioru ma ge Melefit ana mis. Ku mis tawayay miceni, ku tawayay do nəngu ni, hi ana tay, kəmbərəŋ ba. Hiiki ma ana tay ka zlam gatay ya tagudar ni, ləgi ana tay, vi njəda ana tay. Ku tamal ticiaba zlam ya ti kacahi ana tay na dek ndo nəngu ni, kəzumki bəruv ka tay ba, bəsa. ³ Adaba sarta nahaŋ amara ; ka sarta gani nani ti mis ndahaŋ atawayay ma ge jiri ya macahi ana tay ni va do. Atadəbay ere ye ti məbəruf gatay awayay ni cilin, atəzalakabu mūsisi ndahaŋ kay ga macahi ma ya tawayay miceni ni ana tay. ⁴ Atəbi slimi ana ma ge jiri va do ; atəbi slimi ana ma masakani sawaŋ. ⁵ Ay nak ti njəhad njaŋ-njaŋ ; ka ya ti mis təgruk daliya ni ti bəsa ; hi *Ma Məweni Sulumani ana mis kəlavaf. Tamal

kagray nahkay ti, kəgri tūwi ana Melefit akada ya àdaba kur a àwayay ti kàgray ni.

Pol àdām ara amət wudak

⁶ Nu ti sarta goro ènjia wudak. Nara nəvi ahàr goro ana Melefit akada ga zum ya tabəhadī ni. ⁷ Nàkadva àna tūwi goro ya nàgray na lala. Nèndeveriṅaba tūwi ya Melefit àhu nàgray na dek akada ge mis ya acuhway, ènjua ka məlaṅ mədūkana ni. Nəmbərəṅ məfəki ahàr goro ka Yezu ndo simiteni. ⁸ Ku nihi Melefit àslamatuva zlam a, Bay geli aməvu azuhva tūwi goro ya nəgri ni ; aməvu ti àna jiri gayan. Adaba Bay geli Yezu ti agrafəṅa seriya kè mis àna jiri a : aməvu zlam ti ana nu ciliṅ do ; aməvi ti ana ndam ya tajəgay mara gayan àna məmərani ni dek daya.

Pakama ga Pol ka mandav ga wakita gayan

⁹ Zay njəda gayak dek ga marana afa goro ke wecewecena, ¹⁰ adaba Demas ti awayay zlam ga duniya, àmbərəṅa nu a, àsləka àdoru a Tesalonik. Kreskens day àdoru ka had Galasi, Tit ti ni àdoru ka had Dalmasi. ¹¹ Maslaṅa ya ti naṅ àbu akaba nu ni ti Lək ciliṅ. Nahkay kara nahəma zubiya Mark a ju, adaba Mark ti eslīki məjənaki nu ke tūwi ge Melefit tata. ¹² Tisik ti nəsłəroya naṅ e Efez a. ¹³ Ka ya ti nəsłəkabiya a Truwas afa ga Karpus a ni ti nəmbərbiya mugudi goro a ; zubiya ji. Həlubiya wakita goro a daya ; wakita ya ti ga ambəl ni təgəjazlkukbiya ahàr ba.

¹⁴ Eleksender zal gəzan ni àgrua cuday a dal-dal ; ere ye ti àgru ni ti Bay geli amatraḅ naṅ bilegeni. ¹⁵ Eleksender ti àgray ti mis təgəskabu ma geli ya məhi ana tay ni ba simiteni ; nahkay nak day bavu slimi àna naṅ.

¹⁶ Ka ya ti təgrafua seriya enjenjena, nəhəṅgrifəṅ ana ndam ge seriya ni ti, maslaṅa ya àjənaki nu ka ma gani ni ti àbi ; mis dek təmbərəṅa nu a. Melefit məmbərfəṅa zlam gatay ya təgray na kà tay a ! ¹⁷ Ay Bay geli àjənakia nu

a, àvua njêda ; nahkay nêhia ma gayarj ana mis a àndava, ndam ya têfêki ahàr do ni dèk ticia. Seriya àgàs nu ndo ; àhèngafèja nu kà mazlahku a. * ¹⁸ Bay geli amahèngafèja nu kè mis ya tègru cuday na dèk ; amahèngay nu ti nêhuriyu a Mègur gayarj ya e mefeit bu ni vu. Narj ti mis dèk tâzlèbay narj ga kanjay-kanjayani ! Aya nahkay.

¹⁹ Gri sa goro ana ata Prisil nday ata Ekiles. Gri sa goro ana ndam ga hud' ahay ga Onesifor daya. ²⁰ Erest ti ànjèhadija a Korej a. Trofim ti èbesey do, nêmbèrbiya narj e Milet a. ²¹ Wudaka ahar kusi ti zay njêda gayak dèk ga marana afa goro a.

Ata Ewbùl, Pùdenj, Liñ, Klodiyà akaba bèza ga møj geli ndahanj ni dèk tægrika sa.

²² Bay geli mëlèbu akaba kur, mægri sulum gayarj ana kùli dèk ti.

* ^{4:17} Ka sarta gani nani ti ndam ga Yezu ya têtùwèl tay àna seriya ni ti tètbi tay ana mazlahku ti tâhèpèd tay. Nahkay bi Pol awayay adèm tàkad narj ndo ; ay bi awayay adèm Yezu àhèngafèja narj kè Setena ahkay do ni kà ndam ezir gayarj na cilij.

Ma Mweni Sulumani ge Melefit
New Testament in Muyang

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muyang

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

